

Kesumba terima kunjungan balas Kelab Wanita UMT

UB 11.10.2018 B2

KELAB Suri Rumah dan Staf Wanita Universiti Malaysia Sabah (Kesumba) telah menerima kunjungan balas daripada Kelab Wanita UMT (Mutiara) ke Universiti Malaysia Sabah (UMS).

Rombongan Kelab Mutiara UMT yang diketuai oleh Pengerusinya Prof Madya Dr Noraida Hj Ali bersama 15 ahli Mutiara telah disambut mesra Timbalan Yang Dipertua Kesumba Dr Aza Sherin Mohamad Yusuff bersama Ketua Biro dan ahli Kesumba dalam satu majlis di Teratak Kesumba UMS.

Terdahulu, Aza Sherin dalam ucapan

terima kasih kepada pihak kelab Mutiara UMT atas kesudian mengadakan lawatan balas ke Kelab Kesumba UMS dan berharap dapat mengeratkan lagi hubungan baik antara kedua-dua organisasi itu.

Sementara itu, Noraida turut menyampaikan rasa syukur dan amat terharu dengan sambutan dan persiapan yang istimewa disediakan pihak Kesumba dan rombongan Mutiara amat bertuah dapat datang ke UMS yang indah serta dapat melawat ke Negeri Di Bawah Bayu ini.

Setiausaha Kehormat Kesumba Stella @Nurul Marini Gontol telah memberi taklimat tentang



ROMBONGAN Kelab Mutiara UMT merakamkan gambar kenangan bersama ahli Kesumba UMS.

latar belakang Kesumba termasuk aktiviti yang telah dijalankan sepanjang tahun 2018.

Antara aktiviti yang turut diadakan adalah sesi demonstrasi membuat keropok lekor oleh Ahli Kelab Mutiara kemudian lawatan ke Akuarium dan Hatceri di Institut Penyelidikan Marin Borneo UMS.

Kunjungan balas itu ekoran lawatan Kelab Kesumba ke UMT pada 7 hingga 10 April 2018 lalu.

Turut bersama dalam majlis itu adalah Pengerusi Kampus Antarabangsa Labuan (KAL) Hayati Salleh Baihaki, ketua-ketua biro dan ahli Kesumba yang lain.